

Բուրբիսա Նիլենի
ՋԵՔԻԱԹՆԵՐԸ

Մտահղացման հեղինակ՝ Ալենի մայր Նազելի Տերտերյան
Նկարագարդումը՝ Ասյա Ղանդիյանի



«Ալեն Մարգարյան»
բարեգործական
հասարակական
կազմակերպություն



ԶԱՆԳԱԿ
ՀՐԱՏԱՐԱԿՉՈՒԹՅՈՒՆ



ՀՏԴ 821.19-93 Մարգարյան
ԳՄԴ 84(5Հ)
Մ 350

Մարգարյան Ալեն
Մ 350 Բոլորիս Ալենի հեքիաթները / Ա. Մարգարյան.— Եր.: «Զանգակ» հրատ., 2023.— 72 էջ:

ՀՏԴ 821.19-93 Մարգարյան
ԳՄԴ 84(5Հ)

ISBN 978-9939-99-008-8

© Տերտերյան Ն. (կազմելու համար), 2023

«Բուրիս Ալենի հեքիաթները» գրքում զե-
տեղված են կախարդական և ուսուցողական
պատմություններ, որոնք Արցախի հերոս Ալեն
Մարգարյանը գրել է մանուկ հասակում:

Գրկիր գիրքը և բացահայտիր հերոսների
զարմանահրաշ աշխարհը, փորձիր սիրել այն և
դառնալ ԱԼԵՆԻ նման ՄԵԾ ԳՐՔԱՍԵՐ:



QR կոդի միջոցով լսե՛ք հեքիաթները:

ԱՌԱՋԱԲԱՆ

Մի առիթով ռուս մեծ բանաստեղծ, թարգմանիչ և գրականագետ Օսիպ Մանդելշտամը գրել է. «Բանաստեղծություններ կարդալը մեծագույն և դժվարին արվեստ է, և ընթերցողի կոչումը պակաս պատվավոր չէ, քան պոետի կոչումը («Читать стихи – величайшее и труднейшее искусство, и звание читателя не менее почтенно, чем звание поэта»): Հիրավի, այդպես է, և ինչպես կան շնորհալի հեղինակներ, կան և շնորհալի ընթերցողներ: Ալեմն այդպիսին է եղել. բացառիկ վերաբերմունք է ունեցել գրականության հանդեպ՝ հիացում ու ակնածանք, և մտերիմների վկայությամբ՝ գիրքը համարել լավագույնը նվերներից:

Եվ ինչպես շատ շնորհալի ընթերցողներ, Ալեմն էլ վաղ հասակից փորձել է գրել: Գրելու սերն առհասարակ դեռ գրողի մասնագիտություն ընտրելու որոշում չէ, այլ հետևողական ընթերցանության շնորհիվ ձևավորվող մշակույթ, ազնիվ ձգտում, որ բնորոշ է գրագետ և ընթերցողական ձիրք ունեցող մարդուն, գրավոր արտահայտվելու ուրույն հմտություն, երբեմն էլ՝ անդիմադրելի պահանջ:

Դեռ դպրոցական տարիներից Ալեմը գրել է բանաստեղծություններ, պատմվածքներ, առակներ: Պահպանվել են մաս մորը՝ Նազելի Տերտեյանին նվիրված գողտրիկ երկտողեր, ընծայագրեր, հուզիչ նամակներ, խնամքով կատարված դպրոցական շաբադրությունների պատառիկներ... Պատանու պայծառ միտքը ստեղծել է հեքիաթային ուրույն երևակայական աշխարհներ, բնակեցրել դրանք կերպարների ներկայանալի անձնակազմով, օժտել նրանց զանազան ձիրքերով, ոմանց էլ շնորհել գերբնական ձիրք:

Ալենի հեքիաթներից է «Կախարդական ծաղիկը», որի հերոսը բնակվում է գետում՝ ջրաշուշանի մեջ, բայց մարդիկ ունեն նրա կարիքը, ուստի անվարան թողնում է իր բուսեղեն կացարանն ու շտապում նրանց օգնության: Մի պայման կա սակայն. բուժվել կարող են միայն նրանք, ովքեր պատրաստ են անվերապահորեն հավատալու կախարդանքին:

Գողտրիկ մի գրույց է «Աշխատասեր մեղուները» հեքիաթը: Բարեսիրտ ու ժիր մեղուներն իրենց պատրաստած մեղրից առատորեն բաժին են հանում նաև ծաղկած պարտեզի մյուս բնակիչներին: Բայց մի օր՝ գիշերով, չար դևը հարձակվում է պարտեզի վրա, ավերում է այն՝ արմատախիլ ամելով բույսերն ու այրելով ծառերի ճյուղերը: Մեղուները չեն հուսահատվում. նոր ծաղիկներ են ցանում, ու պարտեզը ծաղկում է՝ առաջվանից էլ ավելի գեղեցիկ:

Հեքիաթներից ամենակարճը «Կակաչի սխալն» է: Կակաչը չի գնահատում արևի լույսն ու ջերմությունը. շարունակ բողբոջում է, անձրև անրջում, մինչև մի օր էլ արևը նեղացած հեռանում է, և կակաչը գոջալով խնդրում է նրան վերադառնալ:

Գողտրիկ մի պատմություն է «Տերևը»: Աշնան դառնաշունչ ցրտին փոքրիկ ու քաջ մի տերև չի ուզում ծառին մենակ թողնել, բայց քամին, մեկ է, պոկում է նրան ծառից: Տերևը հայտնվում է փոքրիկ տղայի պատուհանագոգին և աղաչում նրան ներս առնել իրեն: Տղան դնում է տերևը իր գրքի էջերի արանքում, որ նա չմոռնի:

Բնույթով խրատական առակ է հիշեցնում «Ընկերությունը» պատմությունը: Ծույլ ու ալարկոտ արջը շարունակ օգտվում է մյուսների բարեսրտությունից ու պատրաստակամությունից. մեղուները սիրով մեղր են տալիս նրան, տանձենին՝ քաղցր պտուղներ, բայց երբ ժամանակ անց ծառը խնդրում է պաշտպանել իրեն թռչուններից, իսկ մեղուները՝ թունավոր սարդից, արջը հրաժարվում է և մնում բոլորովին մենակ՝ առանց ընկերների:

Յուզողա քաղաքում մի գոռոզ ու հարուստ մարդ է ապրում, նաև՝ մի իմաստուն ողորմած բժիշկ, որ բոլոր աղքատներին անխտիր բուժում է՝ առանց նրանցից գումար վերցնելու («Հարուստն ու իմաստունը»): Մի օր հիվանդանում է նաև մեծահարուստն ու ստիպված է լինում դիմել բժշկին, ում նախկինում ծաղրում էր ու արհամարհում:

«Լեզենդ ամանորյա կախարդանքի մասին» հեքիաթը պատմում է պարահանդե-

սի մասին, որին ամեն տարի պատրաստվում են փերիները: Այդ տարի Թունդա նենգ կախարդը խափանում է բոլորի տոնն ու վրեժխնդիր լինում իրեն պարահանդեսի չհրավիրելու համար՝ չխնայելով ոչ ոքի, անգամ սառցե հյուսիկներով սիրունիկ Չյունանուշին: Հեքիաթը, սակայն, իր օրենքներն ունի, և բարու հաղթանակն ու չարի պատժվելն անխուսափելի են:

Հնուց բազմաթիվ լեգենդներ ու ավանդություններ են մեզ հասել կռվարար քույր ու եղբոր մասին, որոնք իրենց անհաշտության համար պատժվում են: «Արեգն ու Արևահատը կախարդական աշխարհում» հեքիաթի քույր ու եղբայրն էլ ոչ մի կերպ չեն կարողանում հաշտ ապրել, և Աստված որոշում է փորձության ենթարկել նրանց, բայց քանի որ իրականում շատ էին սիրում միմյանց, անցնում են բոլոր փորձություններով ու անձնվիրաբար փրկում իրար՝ հաղթելով վիշապին, իր մահացու շնչով մարդկանց սառույց դարձնող արծվին և դաժան ու անգութ թագուհուն:

Որքան անավարտ գործեր մնացին, ու որքան ասելիք կա նշխարք դարձած այս գրառումների լուսանցքներում, բացիկների երեսներին, երկտողերում, որոնք մի կողմից՝ իրենց անավարտությամբ խոցելի են, մյուս կողմից՝ վկայում են առատաշնորհ պատանու անհանգիստ ու արարող բնության մասին: Ասես դալար շիվերն են, որ պետք է բարձրանային իրենց սիրուն հասակով, եթե չընդհատվեր նրանց հեղինակի շողշողուն կյանքը՝ թողնելով անջնջելի, լուսափայլ մի հուշ: Մնացին նաև անսպասելի ու անդարձ հեռացման փաստի ցավն ու անսփոփ տրտմությունը:

Ներկա հատորյակում ամփոփված է Ալեն Մարգարյանի ավարտված գրվածքների մի մասը: Լույս տեսնելով դրանք հասնելու են բազմաթիվ ընթերցողների՝ բացահայտելով այսօր շատ-շատերին ծանոթ նրա վառվռուն կերպարի դեռևս անհայտ կողմը ու գուցե մի փոքր կարճելու են այն անանց հեռավորությունը, որ բաժանում է Ալենի այլաշխարհն իր սիրելիներից:

Ավարդ Ջիվանյան

ԿԵՆՍԱԳՐՈՒԹՅՈՒՆ

Սիրելի՛ փոքրիկ, Ալեն Մարգարյանը (ծնված՝ 1999 թ. փետրվարի 11-ին) մի երիտասարդ էր, որը շատ էր սիրում երեխաներին, բայց ոչ միայն խաղալ և զրուցել նրանց հետ, այլև կրթել և նոր բաներ սովորեցնել: Նա շատ ակտիվ և հետաքրքրասեր տղա էր, չէր բավարարվում միայն դպրոցական առօրյայով: Հաճախում էր մի շարք խմբակների՝ պարի, թատերական, լողի և այլն: Նաև ուներ իր կարծիքը տարբեր հարցերի վերաբերյալ և մշտապես մասնակցում էր «Բանավեճի ակումբի» քննարկումներին:

Հենց դպրոցական տարիներին է նա գրել այն հեքիաթները, որոնց դու կհանդիպես հաջորդ էջերում:

Ալենը դպրոցում գերազանց էր սովորում. հուսով ենք, որ նրա օրինակին կհետևես նաև դու:

«ԹՈՒՄՈ» ստեղծարար տեխնոլոգիաների կենտրոնի առաջին սաներից է եղել Ալենը և այդտեղ էլ հետագայում աշխատել է որպես ֆիլմերի ստեղծման դասընթացավար՝ կրթելով բազում երեխաների Երևանում, Գյումրիում և Դիլիջանում: Դասընթացներից դուրս ջերմ և ընկերական հարաբերություններ է ունեցել իր ուսանողների հետ, որոնց ոգևորել ու աջակցել է ամեն հարցում:

Ալենը շատ էր սիրում ֆիլմեր դիտել և վերլուծել. 16 տարեկանից ընդգրկվել էր «Ռոլան» մանկապատանեկան ֆիլմերի միջազգային փառատոնի ժյուրիի կազմում: Չորս փաստագրական ֆիլմի ռեժիսոր է եղել, որոնցով հայկական մշակույթը ներկայացրել է աշխարհին:

Ընտրելով կինոարվեստի ակադեմիական ուղին՝ 2016 թ. ընդունվել է Խաչատուր Աբովյանի անվան հայկական պետական մանկավարժական համալսարանի կուլտուրայի ֆակուլտետի ռեժիսուրայի բաժին: Համալսարանում նույնպես ակտիվ է եղել, նախաձեռնել ուսանողական միջոցառումներ:

Շատ է զբաղվել կամավորական աշխատանքով, որի ընթացքում Հռոմի պապի՝ Հայաստան այցի ժամանակ օգնել է



հյուրերին թարգմանչական հարցերում, անգամ ներկա է եղել Նոբելյան մրցանակակիրների հետ հանդիպմանը:

Ալենն ուներ արվեստի նուրբ ճաշակ և մեծ գրքասեր էր, ստեղծում էր իր սեփական գրադարանը: Սիրում էր բացահայտել նորը թե՛ Հայաստանում, թե՛ Հայաստանից դուրս և հասցրել էր լինել քսանից ավելի երկրներում:

Սիրելի՛ փոքրիկ, պատկերացնո՞ւմ ես, Ալենն այնքան ընդունակ էր և խելացի, որ բակավարիատը կարմիր դիպլոմով ավարտելուց հետո ընդունվեց Բոստոնի համալսարան՝ լավագույններից մեկը աշխարհում: Բայց սովորելուց և ճամփորդելուց առավել Ալենը սիրում էր մեր երկիրը, դրա համար էլ որոշեց Բոստոն մեկնելու փոխարեն մնալ Հայաստանում և ծառայել հայոց բանակում:

Բանակում նույնպես Ալենն ուներ շատ ընկերներ և կիսվում էր իր գիտելիքներով նրանց հետ: Ազատ ժամերն անցկացնում էր ընթերցանությամբ:

Սիրելի՛ ընթերցող, դու դեռ փոքր ես, բայց երևի գիտես, որ մեր երկրում եղան դժվար ժամանակներ: Ալենը և իր զինվոր ընկերները պաշտպանեցին բոլորիս և վերականգնեցին խաղաղությունը: Դու պիտի միշտ հիշես և գնահատես այն տղաների քաջությունը, որոնց շնորհիվ հիմա մենք ապրում ենք:

Ալենն իր անձնվեր ծառայության համար 2021 թ. հունիսի 29-ին Արցախի նախագահի հրամանագրով արժանացել է «Արցախի հերոս» բարձրագույն կոչմանը և պարգևատրվել է «Ոսկե արծիվ» շքանշանով, «Մարտական ծառայություն» մեդալով:

Աշխարհի տարբեր ծայրերից Ալեն Մարգարյանին այցի են գալիս Եռաբլուր զինվորական պանթեոն:


Երբ մի քիչ էլ մեծանաս, քո գրադարակում տեղ կգտնի նաև «Բոլորիս Ալենը» գիրքը, որում կկարդաս, թե ինչքան ընկերասեր, աշխատասեր, գրքասեր և մարդասեր էր Ալենը: Եվ հուսով ենք, որ դու էլ կյանքում կառաջնորդվես այդ արժեքներով:

Դե ինչ, սիրելի՛ փոքրիկ, սկսի՛ր կարդալ և իմացի՛ր, որ այս գրքի հեքիաթների հերոսներին դու կարող ես հանդիպել նաև Հովի. Թումանյանի անվան պետական տիկնիկային թատրոնի բեմադրած «Դետեկտիվ Ալենը» ներկայացման մեջ: Իսկ «Մեծ գրքասերը» քանդակը՝ նվիրված Ալենին, կարող ես տեսնել բոլորիս սիրելի Խնկո Ապրո անվան ազգային մանկական գրադարանի դիմաց:



Տեքեր

Աշուն էր: Սկսվել էր տերևաթափը: Ծառերը մերկանում էին և մրսում, բազմագույն տերևները, քամուց դողալով, իջնում էին ցած: Ես նայում էի սենյակիս պատուհանից ու հետևում թափվող տերևիկներին: Քիչ անց ծառին մնաց միայն մի փոքրիկ, դեղնած տերև, որը կարծես չէր ցանկանում ծառին մենակ թողնել:



Ես երկար հետևեցի
նրան, հետո հանկարծ տե-
սա, թե ինչպես տերևիկն օրոր-
վելով ընկավ մեր պատուհա-
նագոգին: Հանկարծ ինձ թվաց,
թե տերևը ձայն է տալիս.

— Փոքրիկ տղա, ես շատ
եմ մրսում, տա՛ր ինձ տուն,
խնդրո՞ւմ եմ:



Հենց այդ պահին հորդ անձրև
տեղաց: Ես խղճացի դողացող
տերևին և ներս բերեցի նրան:



Իսկ ես հրան պահեցի գլխի վրիճերի արանքում,

Տեղն ուրախացավ ու ժպտաց ինձ:

Վերցրինս, որպեսզի

Հարսի:




Կախարդական Ցառիկը

Կար–չկար, մի քաղաք կար: Այդ քաղաքով մի գետ էր անցնում, որի մեջ ապրում էր բարի կախարդուհին: Կախարդուհին իր համար տնակ էր ընտրել՝ ջրում լողացող մի գեղեցիկ ջրաշուշան, և ապրում էր դրա մեջ՝ երկար տարիներ առանց դուրս գալու:

Օրերից մի օր նա որոշում է դուրս գալ, շրջել
երկրներկիր և տեսնել, թե ինչպես են ապրում մարդիկ առանց կախարդան-
քի աշխարհում: Դուրս գալով՝ առաջինը նա տեսնում է զվարթ խաղա-
ցող, կոնֆետներ ուտող երեխաների, երիտասարդների, ապա նաև ուրախ
զբոսնող տատիկ-պապիկների:

Այդ ժամանակ կախարդուհին սկսում է մտածել, որ աշխարհին կախարդանք
պետք էլ չէ: Կարծում է, որ մարդիկ ապրում են անհոգ և ուրախ: Սակայն
աշխարհում մի փոքր ավելի երկար շրջելուց հետո կախարդուհին
նկատում է, որ երբեմն երջանիկ ժպիտների
հետևում հոգսեր ու խնդիրներ են
թաքնված:





Հասկանում է, որ երջանիկ լինելուց բացի՝ մարդիկ նաև տխուր են լինում:

Եվ այդ ժամանակ բարի կախարդուհին որոշում է մարդկանց օգնել իր կախարդական ջրաշուշանի միջոցով: Նա հայտնվում է բոլոր հուսահատված մարդկանց երազներում և խնդրում է գտնել իր կախարդական տնակը, որը կլուծի նրանց խնդիրները:

Այդ մասին պատահմամբ իմանում է մի ծերունի: Նա շատ հիվանդ էր ու կույր: Որոշում է գտնել ծաղիկը, մտնել դրա մեջ ու փորձել: Այդպես էլ անում է և բուժվում է: Ամբողջ աշխարհում հայտնի է դառնում, որ ծաղիկը կախարդական է և կարող է բուժել բոլորին:





Դրանից հետո շատ մարդիկ են փորձում գտնել լեյքեր
և լճեր, ուր կարող են հալածվել և զգալ իրենց
համայնքի անդամները:






Աշխատասեր Տեղումները

Անտառի խորքում մի պարտեզ կար՝ ծաղիկներով լեցուն: Այնտեղ ապրող աշխատասեր մեղուները օրուգիշեր խնամում էին իրենց պարտեզը, մաքրում էին այն, ջրում ծաղիկները և հետո այդ ծաղիկների քաղցր փոշուց մեղր էին պատրաստում: Փոքրիկ մեղուներն իրենց պատրաստած մեղրով կիսվում են անտառի մյուս միջատների հետ:






Սակայն մի գիշեր չար դևը
հարձակվում է մեղունների պարտեզի վրա:
Նա փչացնում է ողջ պարտեզը. արմատախիլ է
անում բույսերը, կտրտում է ծաղիկները, այրում
փոքրիկ ճյուղերը:

Սովորականի նման առավոտյան վաղ մեղունները
արթնանում են ու տեսնում, որ իրենց պարտեզն
ավերված է: Սակայն չեն տխրում ու չեն հուսահատվում:
Նրանք սկսում են ավելի ժրաջան աշխատել: Բոլոր
ծաղիկների և բույսերի սերմերը նորից են
ցանում, հոգատար խնամում են և ջրում:



The background is a light blue sky with yellow sunbeams. In the top right, there are green leaves with yellow spots. In the bottom left, there are green leaves and a pink flower with a yellow center. A butterfly is flying in the center, and two bees are flying to the right.

Հաջորդ գարնանը այդ տեղում էլ *ավելի հրաշալի* պարտեզ է
անում: Նախկինում այդ պարտեզ թիթեռներ *կյուր չէին* գալիս:
Սակայն այժմ պարտեզն այնպես էր լցվել գեղեցիկ ծաղիկներով, որ
գունագեղ թիթեռնիկների սիրելի վայրն էր դարձել անտառում:

Աշխատանքն անդունելը սեզ համար էլ ստույգ է



հիշեցք, որ աշխատանքը շնորհակալությամբ, որպեսզի վերականգնվի և հարստանա


Վերականգնվելու և աշխատանքի վերադառնալու համար անհրաժեշտ է հարստանալ և հարստանալու համար անհրաժեշտ է վերականգնվել



Գազապի սխալը

Կար–չկար, մի ջրասեր կակաչ կար: Նա անհամբեր սպասում էր, թե երբ պիտի անձրև գա, որ ինքը կարողանա առատ ջուր ստանալ: Սակայն ամեն օր արևը պայծառ շողում էր երկնքում և չէր թողնում, որ թուխ ամպերը կուտակվեն, ու անձրև տեղա:






Եվ մի օր կակաչն արևին ասում է.

— Դու քո ջերմությամբ թույլ չես տալիս
անձրևաբեր **ամպերին** երկնքում հա-
վաքվել: Իսկ ես ամեն օր սպասում եմ
անձրևին, որ պարեմ թաց հողի վրա և այն-
քան ջուր խմեմ, որքան ցանկանում եմ:

Այդ խոսքերից ազդված՝ հեռա-
նում է արևը: Երկինքը մթնում է,
անընդմեջ սկսում է **անձրև տե-**
ղալ, սառը քամիներ են փչում:






Օրեր են անցնում:
Անձրևից թրջված, մրսած և
հուսահատված կակաչը այդ ժա-
մանակ է միայն հասկանում, թե որ-
քան հաճելի էին արևային օրերը և
արևի ջերմությունը: Նա շատ է զոջում
իր խոսքերի համար: Կակաչը փոքրիկ
թռչուններին է օգնության կանչում,
որպեսզի նրանք բարձր թռչեն,
գտնեն արևին և խնդրեն
վերադառնալ:



Որոշ ժամա-
նակ անց հուսահատ-
ված կակաչը հանկարծ
իր թերթիկներին զգում է
արևի ջերմ շողերը: Ուրախա-
ցած բարձրացնում է գլուխը,
ժպտում և ներողություն
խնդրում:




Այն օրը երբ արևը ու կապույտ դառնում են լավագույն ընկերներ:





Հնկերու քյուն

Լինում է, չի լինում, մի ծուլ արջուկ է լինում: Նա շատ ալարկոտ էր: Ալարում է անգամ իր համար ուտելիք հայթայթել: Երբ նա քաղցած է լինում, խնդրում է մեղուներին, որ իրեն մեղր տան: Մեղուները սիրով տալիս են:

The illustration shows a large, textured tree trunk on the right side of the page, colored in shades of purple, blue, and brown. In the bottom right corner, there are stylized bushes or flowers in bright yellow and brown. The background is a light, pale yellow.

Երբ նա կրկին ստ-
վածանում է, ձկներին է
խնդրում, որ իրեն օգնեն:
Ձկները նույնպես ուտելիք տա-
լիս են: Մեկ այլ անգամ էլ ան-
տառի ծառերից է տանձ խնդրում:
Նրան դարձյալ չեն մերժում:

Այսպես անհոգ ապրում է ար-
ջուկը՝ բոլորի օգնությամբ:

Մի օր մեղունները խնդրում են,
որ արջը պաշտպանի իրենց փչա-
կը թունավոր սարդերից: Սակայն
արջը չի ցանկանում պառկած տե-
ղից վեր կենալ և գնալ օգնության:






Մի անգամ էլ ձկները խնդրում են արջին,

որ վախեցնի ձկնորսության եկած մարդկանց:


Մական արջը նրանց էլ չի օգնում:





Որոշ
ժամանակ անց էլ
ծառերին է օգնություն
պետք լինում՝ վայրի թռչուն
ներից պաշտպանվելու հա-
մար: Արջը նրանց խնդրանքը
անգամ մինչև վերջ չի
լսում:





Բոլորը նեղանում են ար-
ջուկից, և նա մնում է առանց
ընկերների, քաղցած ու տխուր:
Այդ ժամանակ է միայն հաս-
կանում, որ ընկերները պետք է
օգնեն իրար բոլոր իրավիճակ-
ներում:



Առաջին
նշան




Հանրային
գրադարան

Մարտի 1-ին, 1997 թ. հիմնադրված է




Հարուստը ու իմաստունը

Ծանոթ դարեր առաջ Յուզոդա քաղաքում մի հարուստ վաճառական էր ապրում: Նա շատ գոռոզ էր, մեծամիտ և ամենից առավել ոսկին էր գնահատում:

Վաճառականի հարևանությամբ սպրում էր մի ալեհեր իմաստուն: Նա բժիշկ էր և քանի որ բոլորին առանց վճարի էր բուժում, շատ աղքատ էր: Վաճառականը անհարգալից էր վերաբերվում անգամ իրենց  ամենախմաստուն բժշկին, որովհետև նա աղքատ էր:






The background features a stylized illustration of white curtains with a scalloped edge, tied back to reveal a bright yellow and orange light source, possibly a sun or moon, against a dark purple background. The curtains are rendered with fine lines and shading to show their texture and folds.

Մի օր վաճառականը հիվանդա-
նում է: Աշխարհի տարբեր կողմերից
շատ իմաստուններ են հավաքվում: Ներ-
կա է լինում նաև Յուզոդա քաղաքի իմաս-
տունը: Վաճառականն իր առողջության
համար մեծ պարգևներ, թանկարժեք
գարդեր է խոստանում: Իմաստուններից
շատերն են փորձում իրենց դեղաբույ-
սերով բուժել վաճառականին, սակայն
ապարդյուն, և նրանք հեռանում են Յու-
զոդայից:





Երբ հերթը հասնում է
քաղաքի իմաստունին, նա
ասում է.

— Եթե ցանկանում ես բուժվել,
պետք է այլևս երբեք չգոռոզանաս: Եվ
պիտի դառնաս համեստ, մարդասեր ու
հանդուրժող:

Հիվանդը, հասկանալով իր սխալը, փո-
խում է վերաբերմունքը մարդկանց
նկատմամբ: Եվ ծերունին իր պար-
տեզից մի ծաղիկ է քաղում ու դրա-
նով բուժում վաճառակա-
նին:



Միտելի՛ ընկերներս, եթե չե՞ք ջանակատան
հայտնի կանաչափայլի լեզուներս, որ գոռոզաբույսը մեծ արատ է.
Դահլիճի լեզուներս, որ գոռոզաբույսը մեծ արատ է.





Արեգն ու Արևահատը կախարդական աշխարհում

Արեգն ու Արևահատը քույր ու եղբայր էին: Նրանք շատ անհաշտ էին, և ամեն մեկն իրենն էր պնդում, բայց ոչինչ չէր ստացվում: Աստված տեսնում է, որ նրանք համերաշխ չեն, և որոշում է նրանց ստուգելու համար հինգ փորձության ենթարկել: Մի գիշեր, երբ Արեգն ու Արևահատը պառկեցին քնելու, երկուսն էլ քնի մեջ հայտնվեցին կախարդական աշխարհում:


Առաջին փորձությունը սկսվեց մի գեղեցիկ այգում, որտեղ շատ պտղատու ծառեր կային:

Արևահատն ու Արեգը մոտեցան մի կեռասենու: Արևահատը շատ էր ուզում փորձել կարմրաթուշ կեռասներից: Նա ծառի նյուղից մի պտուղ պոկեց և անուշ արեց: Այդ պահին անտառի խորքից հինգգլխանի վիշապը տեսավ, որ իր այգու ծառից մի աղջիկ կեռաս կերավ: Վիշապին տեսնելով՝ Արևահատը վախից քարացավ տեղում:

— Մի՛ վախեցիր, Արևահա՛տ, ես կհաղթեմ հինգգլխա-
նի վիշապին,— ասում է Արեգը:

Արեգը սովորություն ուներ քնելիս իր խաղալիքները դնել բարձի տակ կամ շարել անկողնու մոտ: Պարզվում է, որ երբ նրանք երագում հայտնվում են կախարդական աշխարհում, խաղալիքները նույնպես նրանց հետ էին, որպեսզի օգնության հասնեն փորձությունների ժամանակ:

Եվ ահա բարձի տակ դրված պսպղուն խաղալիք թուրը դարձել էր իսկական սրածայր մի թուր, և Արեգը հե՛նց դրանով կռիվ տվեց հինգգլխանի վիշապի հետ: Վիշապի սրտից մի կաթիլ արյուն ընկավ Արևահատի գոգը: Կաթիլի տեղում իսկույն հայտնվեց հեքիաթների մի գիրք: Արևահատը գրկեց եղբորը և շնորհակալություն հայտնեց





իրեն փրկելու համար: Հետո բացեց գիրքը և առաջին էջին տեսավ մի արծվի պատկեր:

Արեգը նույնպես ուզում էր թերթել գիրքը, երբ վրա հասավ երկրորդ փորձությունը: Նրանք վիշապի այգուց հայտնվեցին մի անապատում: Այդ անապատը սովորական չէր, այնտեղով շատ առվակներ էին հոսում, և տարօրինակ էր, թե ինչու էր այն «անապատ» կոչվում:

Արևահատը գնում է մի առվակի մոտ, որը ցանկապատված էր: Այնքան ծարավ էր, որ անհամբերությամբ բացեց ցանկապատը և մի քիչ խմեց այդ ջրից: Հանկարծ գլխավերևում հայտնվեց հեքիաթների գրքի այն արծիվը: Արծիվն էլ սովորական չէր: Երբ այդ արծիվը փչում էր, սառնամանիք էր սկսվում: Արծիվը մեկ անգամ փչեց ուղիղ Արևահատի վրա: Արևահատը սառցակալեց:

Այս անգամ էլ Արեգին օգնության հասավ իր պարանը. երազում այն նույնպես թրի նման կախարդական էր դարձել: Արեգը պարանը նետում է վեր, արծվի վզից քաշում և խեղդում նրան: Արծվի ընկնելուց ահեղ դղրդյուն է բարձրանում: Անապատի ամբողջ ավազը բարձրանում է՝ ներքևում թողնելով բոլոր ջրերը: Ահա թե ինչու էր երազում այն «անապատ» կոչվում:

Հաջորդ փորձությունը տեղի է ունենում մի ժայռի վրա:

Հանկարծ Արևահատի ոտքը սայթաքում է, և նա մնում է ժայռի



ծայրից կախված: Արեգն իր հետ երազ էր տարել նաև իր ամենասիրելի խաղալիքներից մեկը՝ նետն ու աղեղը: Նա իր մոտ եղած աղեղը երկու կես է անում և մի ծայրը նետում է ներքև: Աղջիկը, այդ աղեղից բռնելով, բարձրանում է:

Շնչակտուր Արևահատը հուզվում է: Նա չգիտեր՝ ինչպես շնորհակալ լիներ եղբորը, միաժամանակ հպարտանում էր, որ այդքան ուժեղ տղա է Արեգը:

Նրանք կանգնած էին մի քարի վրա, որը շատ մեծ էր և անվտանգ: Սակայն պարզվում է՝ երբ դիպչում ես այդ քարին, այն երկու կես է լինում:

Նրանք ընկնում են ներքև: Սկսվում է չորրորդ փորձությունը՝ արդեն կրակների աշխարհում: Նրանց հաջողվում է փախչել կրակե ալիքներից, բայց ընկնում են ջրի մեջ: Քանի որ Արեգը մասնակցում էր դայվինգի պարապմունքների, շատ հմուտ էր սուզվում:

Երեխաները հայտնվում են ստորջրյա մի շահ՝շահ՝ զեղեցիկ քաղաքում: Նրանք այդ քաղաքում հանդիպում են միաչքանի մարդու: Այդ մարդը նրանց ուղեկցում է չար թագուհու մոտ: Չար թագուհին ասում է.

— Ես ինչ փորձություն էլ կազմակերպեմ, Արևահատ, միևնույնն է, քո եղբայրը կկարողանա փրկել քեզ, դրա համար հիմա կմտածեմ, թե ինչպես անեմ, որ այս անգամ էլ Արեգն ունենա քո օգնության կարիքը, իսկ դու ոչինչ չկարողանաս անել, հա՛, հա՛, հա՛, հա՛:

Կախարդ թագուհին որոշում է տղային այրել խարույկով: Արևահատը շատ էր սիրում եղբորը և չգիտեր ինչ անել: Տեսնում էր, թե ինչպես են պատրաստում խարույկը, և լաց էր լինում:

Ամեն գիշեր՝ քնելուց առաջ Արևահատը ջուր էր դնում իր կողքին, որովհետև հաճախ էր ծարավում և արթնանում:

Բարեբախտաբար, հենց այդ մեկ բաժակ ջուրը Արևահատի արցունքների հետ միասին երազում վերածվեց անվերջանալի մի վարար գետակի և հանգրեց կրակը:

Արեգն ու Արևահատը արթնանում են այդ կախարդական երազներից: Տեսնում են, որ թուրն է՛լ է տեղում, պարանն է՛լ, բաժակով ջուրն է՛լ:



Գրկում են իրար և այդ օրվանից շատ համերաշխ են սպրում.




Երանք հասկանում են, թե ինչքան թանկ են իրար համար:



Զեցե՛նք ամանորյա կախարդանքի ճապին

Բոլորին է հայտնի, որ Ամանորի գիշերը տարվա ամենակախարդական, ամենալուսավոր գիշերն է: Բայց քանի որ ոչ բոլորը գիտեն նախատոնական պարահանդեսի մասին, ես կպատմեմ:



Ամեն տարի Ամանորի շեմին փերիները պատրաստվում են պարահանդեսի, որի հիմնական հերոսներն են՝ թագավորը, թագուհին, արքայազնը, արքայադուստրը, յոթ հրեշտակները,

փերիները և ծաղիկները:


Ահա ժամացույցի սլաքը երեկոյան ութի վրա էր: Բոլորը պատրաստվում էին, շքեղ զգեստավորվում, նվերներ պատրաստում: Բայց հանկարծ երևաց Թունդան՝ չար կախարդը: Նա հրավիրված չէր պարահանդեսին, դրա համար էլ որոշեց փչացնել տարեմուտի հրաշալի սառցե երեկոյթը: Նա կարողացավ մարել լույսերը, լռեցնել ուրախ մեղեդիները՝ վերացնելով կախարդանքը:

Փերիները հասկացան, որ չորս ժամ ունեն այն վերադարձնելու համար:

Նրանք իջան անտառ՝ փնտրելու Թունդայի ամրոցը, որպեսզի զրուցեն և համոզեն նրան վերադարձնել կախարդանքը մինչև կեսգիշեր:







Անտա-
ռում մի տուն
տեսան, որի
մուտքին օձ էր
փաթաթված, և են-
թադրեցին, որ հենց դա է
կախարդ Թունդայի տունը:

Փերիները պատուհանից զգուշորեն տուն
մտան, բայց, ավանդ, Թունդան այնտեղ
չէր: Նա գնացել էր Չյունանուշին
խանգարելու, որ նրանք էլ չկա-
րողանան մասնակցել պա-
րահանդեսին:



Ժամացույցի սլաքն իննի վրա էր: Թունդան կրակե բոց արձակեց Չյունանուշի վրա, և նրա սառցե գեղեցիկ հյուսիկները հալվեցին, ջուր դարձան:

Երբ կախարդը վերադարձավ իր տուն, փերիներն արդեն հեռացել էին: Ժամը տասն էր, փերիներն իրենց պալատի ճանապարհին էին: Երկու ժամը քիչ էր:


Փերիներից մի քանիսն իմացան Չյունանուշի հետ կատարվածի մասին, գնացին նրա մոտ՝ մխիթարելու, իսկ մեկը մնաց հսկելու քարացած թագավորին, թագուհուն, արքայազնին և արքայադստերը:

Շուտով ժամը տասնմեկը կլիներ: Հանկարծ իր եղնիկներով սառցե պարահանդեսի վայր ժամանեց Չմեռ պապը:

— Ո՞ր է իմ թոռնիկը՝ իմ փոքրիկ Չյունանուշը, ո՞ր են փերիները, ո՞ր են երջանիկ թագավորն ու թագուհին...

Միակ փերին, որ կարող էր պատասխանել Չմեռ պապին, հուզմունքից միայն կարողացավ ուսերը շարժել:






Ձմեռ պապը հասկացավ, որ ժամանակ չկա պարզելու, թե ո՛վ է այս ամենը փչացրել, փոխարենը միանգամից իր կախարդական գավազանով բոլորին շունչ տվեց, վառեց լույսերը, և սկսվեց գունագեղ պարահանդեսը:

Երբ բոլորն ուրախ ու երջանիկ աղմկում էին, ծափահարում Ձմեռ պապին, հենց այդ պահին էլ Չյունանուշը, փերիների հետ պարելով, ներս մտավ: Ամեն բան վերականգնվել էր, Չյունանուշը նորից ուներ գեղեցիկ սառցե հյուսիկներ:

Փերիները մեծ պատվի արժանացրին Ձմեռ պապին տարեմուտի կախարդանքը վերակենդանացնելու համար: Բայց ոչ ոք չուզեց պատմել Թունդայի մասին և վնասել նրան, քանի որ ամենակարևորն այն էր, որ իրենք հասցրին ուղիղ ժամը տասներկուսին վայելել Ամանորի գիշերը:

Այս հեքիաթը մեզ սովորեցնում է, որ երբեք չհանձնվենք և հավատանք, որ բարին հաղթում է չարին:



Ալեհից՝ իր սիրելի ընթերցողներին:



Մի՞նչ հանդիպում:

ԲՈՎԱՆ ԴԱԿՈՒԹՅՈՒՆ

Առաջաբան	5
Կենսագրություն.....	8
Տերեր	10
Կախարդական ծաղիկը	15
Աշխատասեր մեղուները	21
Կակաչի սխալը	27
Ընկերություն.....	35
Հարուստն ու իմաստունը	45
Արեգն ու Արևահատը կախարդական աշխարհում	53
Լեգենդ ամանորյա կախարդանքի մասին	63

Բուրբիա Ալենի ՋԵՔԻԱԹՆԵՐԸ

**Մտահղացման հեղինակ՝ Ալենի մայր Նազելի Տերտերյան
Նկարազարդումը՝ Այա Ղանդիլյանի**

Հրատարակչության տնօրեն՝ Էմին Մկրտչյան
Գրական խմբագիր՝ Ալվարո Զիվանյան
Գեղարվեստական խմբագիր՝ Մարիամ Կանայան
Տեխնիկական խմբագիր՝ Նվարդ Փարսադանյան
Վերստուգող սրբագրիչ՝ Նարինե Ղուկասյան
Խմբագիր՝ Շողակաթ Դերիկյան
Սրբագրիչ՝ Վանուհի Եղիշյան
Ձևավորումը և էջադրումը՝ Նելլի Ադամյանի

Տպագրությունը՝ օֆսեթ: Չափսը՝ 70×100/12
Թուղթը՝ կավճապատ: Ծավալը՝ 6 տպ. մամուլ



ՉԱՆԳԱԿ
ՀՐԱՏԱՐԱԿՉՈՒԹՅՈՒՆ

ՀՀ, 0051, Երևան, Կոմիտասի պող. 49/2, հեռ.՝ (+37410) 23–25–28
Էլ. փոստ՝ info@zangak.am, էլ. կայքեր՝ www.zangak.am, www.book.am
Ֆեյսբուքյան կայքէջ՝ www.facebook.com/zangak